



Bosnia and Herzegovina
Federation of Bosnia and Herzegovina

CANTON SARAJEVO
Ministry of Justice and Administration

Broj: 03-04-05-27154/18
Sarajevo, 28.08.2018. godine

SKUPŠTINA KANTONA SARAJEVO
Predsjedateljici Skupštine, prof. Ani Babić

Predmet: Odgovor na zastupničko pitanje

Na 43. radnoj sjednici Skupštine Kantona Sarajevo održanoj dana 25.06.2018. godine, zastupnik u Skupštini Kantona, Mirsad Pindžo, postavio je slijedeće zastupničko pitanje:

"Tražim da Ministarstvo pravde i uprave, putem upravne inspekcije obavi usmjereni nadzor u pogledu primjene Zakona o državnoj službi Kantona Sarajevo u Općini Trnovo i gradskoj upravi Grada Sarajevo, a vezano za izmjene Pravilnika o unutrašnjoj organizaciji organa, prijema državnih službenika, preuzimanja državnih službenika, unapređenja državnih službenika ... da li je ispoštovan Zakon o državnoj službi KS ...

Od Tužilaštva KS tražim da mi odgovori da li je na bazi medijskih informacija ili prijave vršilo provjere poštivanja zakonskih propisa u navedenom slučaju prevođenja savjetnika iz gradske uprave grada Sarajevo u državnu službu u općini Trnovo i ekspresno vraćanje istih u gradsku upravu ali sad kao državnih službenika. "

ODGOVOR

Upravni inspektorat Ministarstva pravde i uprave Kantona Sarajevo po službenoj dužnosti pokrenuo postupak inspeksijskog nadzora na okolnosti preuzimanja državnih službenika iz Općine Trnovo u Grad Sarajevo, pod brojem: 03-04-05-9143/18 od 26.06.2018. godine, i postupak inspeksijskog nadzora na okolnosti prijema u državnu službu i zasnivanja radnog odnosa državnih službenika Hadžihalilović Maje, Tvrtković Nedima i Čolić Erne u Općini Trnovo pod brojem: 03-04-05-9144/18 od 26.06.2018. godine.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1



Inspekcijski nadzor izvršen je kao dio nadzora nad unutrašnjom organizacijom općinskih organa uprave prema Programu rada Ministarstva pravde i uprave Kantona Sarajevo za 2018. godinu.

Dana, 04.07.2018. godine, izvršen je inspekcijski nadzor u Gradu Sarajevo, na okolnosti preuzimanja državnih službenika Hadžihalilović Maje, Tvrtković Nedima i Čolić Erne iz Općine Trnovo.

Dana, 10.07.2018. godine, izvršen je inspekcijski nadzor u Općini Trnovo, na okolnosti prijema u državnu službu i zasnivanja radnog odnosa državnih službenika Hadžihalilović Maje, Tvrtković Nedima i Čolić Erne u Općini Trnovo.

O rezultatima inspekcijskog nadzora, odnosno o utvrđenom činjeničnom stanju u odnosu na relevantne odredbe Zakona o državnoj službi u Kantonu Sarajevo ("Službene novine Kantona Sarajevo", broj 31/16) Upravni inspektorat dostavio je informaciju Tužilaštvu Kantona Sarajevo, na eventualno postupanje iz njihove nadležnosti, aktom od 12.07.2018. godine.

Prema činjenicama utvrđenim u toku inspekcijskog nadzora nad primjenom propisa kojima se uređuje državna uprava, u općinskom i gradskom organu uprave, konstatovano je:

Prema Odluci o organizaciji i djelokrugu organa uprave Grada Sarajeva ("Službene novine Kantona Sarajeva" broj 27/17) Gradonačelnik Grada Sarajeva donio je Pravilnik o unutrašnjoj organizaciji i sistematizaciji radnih mjesta organa uprave Grada Sarajeva broj: 01-34-4431/17 od 19.09.2017. godine, na koji je Gradsko vijeće dalo saglasnost Odlukom o davanju saglasnosti ("Službene novine Kantona Sarajevo", broj 38/17).

Prema Odluci o organizaciji Jedinstvenog općinskog organa uprave i posebnih službi Općine Trnovo ("Službene novine Kantona Sarajevo", broj 18/17) Načelnik Općine Trnovo donio Pravilnik o unutrašnjoj organizaciji Jedinstvenog općinskog organa uprave Općine Trnovo broj: 02-02-2552/17 od 16.08.2017. godine, i Pravilnik o izmjenama i dopunama Pravilnika o unutrašnjoj organizaciji Jedinstvenog općinskog organa uprave Općine Trnovo broj: 02-02-1764/18 od 15.05.2018. godine.

Izmjena i dopuna Pravilnika se odnosi na član 31. Pravilnika gdje se dodaje član 31 a. i glasi :

"Član 31.a Radno mjesto: Stručni savjetnik za finansije i lokalni ekonomski razvoj".

Prema navedenom u Gradu Sarajevo nakon donošenja Pravilnika o unutrašnjoj organizaciji i sistematizaciji od 19.09.2017. godine, nisu rađene izmjene i dopune Pravilnika, Pravilnik o Izmjenama i dopune Pravilnika o unutrašnjoj organizaciji Jedinstvenog općinskog organa uprave



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



Općine Trnovo, odnose se na radno mjesto stručnog savjetnika za finansije i lokalni ekonomski razvoj, u Službi za privredu, finansije i lokalni ekonomski razvoj, tj. ne odnosi se na radna mjesta državnih službenika, postavljenih u spornom postupku javnog oglašavanja.

Iz navedenog proizilazi odgovor na dio zastupničkog pitanja koji se odnosi na izmjene pravilnika.

U konkretnom slučaju radilo se o preuzimanju državnih službenika iz jednog organa državne službe (Općina Trnovo) u drugi organ državne službe (Grad Sarajevo) istog nivoa vlasti na osnovu pisanog sporazuma rukovodioca organa državne službe prema odredbama člana 31. Zakona o državnoj službi u Kantonu Sarajevo, a ne o unaprijeđenju državnih službenika u smislu člana 43. istog zakona. Iz čega proizilazi odgovor na pitanje o unapređenju državnih službenika.

U odnosu na postojanje obaveze probnog perioda rada, rješenjima o postavljenju državnih službenika, ova obaveza nije određena, s obzirom da se ne radi o prvom zapošljavanju u organu državne službe.

S poštovanjem,

MINISTAR

Mario Nenadić

Dostaviti:

- Predsjedateljica Skupštine Kantona Sarajevo
- Službi za skupštinske poslove Kantona Sarajevo



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

